



UNIVERSITÄTS-
BIBLIOTHEK
PADERBORN

Facilis Et Succincta S.S. Canonum Doctrina

Pirhing, Ehrenreich

Dilingæ, 1690

§. III. De contractu Precariæ, seu Precariarum.

[urn:nbn:de:hbz:466:1-61641](https://nbn-resolving.org/urn:nbn:de:hbz:466:1-61641)

tionem rei, quia est contractus, qui re-
pescitur. Tertiò, ut qui dat precariò
rem; possit eam, quodcumque volue-
rit, revocare sine alia causa, cum pen-
deat semper ex libera voluntate con-
cedentis: non quidem quasi statim sine
urgente causa revocare possit, ne omni
usu & commodo Precarii privetur, cui
concessum est, & fraus potius, quam
beneficium præsumatur, sed quòd post
aliquod tempus, nullà alià causà urgente,
revocari possit.

Finitur autem Precarium primò per
revocationem illius, qui concessit, uti
ex natura Precarii patet. Secundò fini-
tur per mortem illius, cui Precarium con-
cessum est, quia Precarium est benefi-
cium personale, quod cum persona, cui
beneficium hoc factum est, extinguitur,
nisi Precarium non tam personæ, quam
dignitati concessum sit, quo in casu, si-
cuti dignitas etiam in successore remanet,
quamvis, qui præcessit in dignitate, mor-
tuus sit, ita & Precarium ad successorem
transit, donec revocetur. Tertiò finitur
etiam per mortem concedentis, si pre-
carium datum fuerit sub expressis clausu-
lis: *Usque ad meum beneplacitum, &c.* cum enim Pre-
carium dependeat à voluntate con-
cedentis, concedens autem non velit
eam ultra, quam durat ejus beneplaci-
tum, aut ejus voluntas, &c. extendi,
consequenter sicuti per mortem con-
cedentis voluntas, & beneplacitum tollitur,
ita etiam per mortem hujus finitur Pre-
carium, Quòd si tamen vel absolutè sine
expressis talibus clausulis Precarium fa-
ctum sit, vel sub clausulis: *donec revoca-
vero, vel usque ad placitum Sedis Episco-*

palis v. g. non expirat per mortem con-
cedentis, cum in his casibus actus posi-
tivus revocans requiratur *arg. cap. Si su-
per 9. De off. deleg. in 6.* Quasi finitur
per alienationem rei precariò concessæ,
ab eo factam, qui Precarium concessit,
si emptor eam revocaverit; neque enim
licet rem alienam, invito Domino, qui
hæc & nunc in hoc casu speciali emptor
est, possidere aut detinere; quòd si ta-
men eam non revocet, censetur ab illius
liberalitate jam precario teneri, & non
amplius à priore Domino.

§. III.

De contractu Precariæ, seu Precariarum?

CONTRACTUS hic juri Civili ferè inco-
gnitus multùm differt à contractu
Precarii, de quo priore §. actum fuit:
precariò enim dari possunt tam res mo-
biles, quam immobiles, item jura & ser-
vitutes, &c. Precariæ verò locum tantùm
habent, in rebus immobilibus. Secundò
Precarium ad certum & determinatum
tempus non conceditur, sed pro arbitrio
concedentis revocari potest; Precariæ
verò ad certum tempus, de quo contra-
hentes convenerunt, concedi possunt, &
revocari in tali casu non possunt, ante-
quam tempus præfixum finiatur (uti col-
ligitur *ex c. 3. h. t. nisi in damnum Ecclesiæ*
cederent tales Precariæ c. 2. h. t. & hinc
re àè definiuntur Precariæ, quòd sint con-
tractus, in quo res immobilis alicui, ad pre-
ces ejusdem, conceditur ad certum & de-
terminatum tempus, ita ut antequam illud
elapsum, revocari non possit, & singulis
quinquennis, si nulla in signum recogniti-
onis pensio annua præstetur, sit renovanda
c. 1. h. t. servanda tamen loci consuetudo.